



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE E GJILANIT
OSNOVNI SUD GNJILANE – BASIC COURT OF GJILAN

Raporti i rregullt i punës
GJYKATA THEMELORE NË GJILAN
Prill - Qershor 2024

Bazuar në nenin 14, pika 2 nën pika 2.5 të Ligjit për Gjykatat dhe pika 5 e nenit 11 të Rregullores Nr. 02/2020 për Organizimin dhe Veprimtarinë e Brendshme të Gjykatave të Republikës së Kosovës, Kryetari i Gjykatës Themelore në Gjilan paraqet raportin e rregullt të punës.

Raporti i rregullt i punës së Gjykatës Themelore në Gjilan përfshinë periudhën raportuese nga 1 Prill deri më 30 Qershor 2024.



I. Hyrje

Raporti i Gjykatës Themelore të Gjilanit paraqet të gjitha të dhënat statistikore për këtë periudhë, të arriturat, sfidat, por edhe pengesat që kanë qenë gjatë kësaj periudhe.

II. Struktura e Gjykatës Themelore në Gjilan me Degët e saja

Në Gjykatën Themelore të Gjilanit aktualisht kemi 19 gjyqtarë aktiv duke llogaritur edhe Kryetarin, kurse një gjyqtare kemi në trajnim fillestar. Në Degën e Kamenicës kemi 5 gjyqtar aktiv. Në Degën e Vitisë kemi 7 gjyqtarë, ndërsa në Novobërdë kemi 1 gjyqtar dhe Mbikëqyrësin e Degës i cili është i angazhuar edhe në qendër.

Në Departamentin e Krimeve të Rënda deri me datë 31 maj 2024 kanë qenë të angazhuar 4 gjyqtarë, por nga 14 qershori 2024 është caktuar edhe një gjyqtar të punoj në këtë departament dhe të gjithë gjyqtarët e këtij departamenti janë të ngarkuar me lëndë të Departamentit të Përgjithshëm – Divizioni Penal dhe në të njëjtën kohë janë të angazhuar edhe në Degët e kësaj gjykate. Në Departamentin për të Mitur punon 1 gjyqtar, ndërsa në Departamentin e Përgjithshëm – Divizioni Penal punojnë 3 gjyqtarë, ku njëra ka lëndë civile – kontestimore. Në Departamentin e Përgjithshëm – Divizioni Civil punojnë 7 gjyqtarë dhe në Departamentin e Përgjithshëm – Divizioni Kundërvajtjes punojnë 2 gjyqtarë.

Dega e Gjykatës Themelore në Kamenicë: Kjo degë aktualisht ka 5 gjyqtarë të rregullt, ku katër gjyqtarë janë të ngarkuar me lëndë civile kontestimore, një gjyqtar është i ngarkuar me lëndë penale dhe kundërvajtje, i cili punon edhe në Degën e Novobërdës lëndë penale dhe të kundërvajtjes. Mbikëqyrësja – gjyqtarja përveç lëndëve kontestimore është e ngarkuar edhe me procedurën paraprake.

Dega e Gjykatës Themelore në Viti: Në këtë degë kemi aktualisht kemi 7 gjyqtarë, prej tyre 1 gjyqtarë në Departamentin e Përgjithshëm – Divizioni Penal ndërsa 6 gjyqtarë në Divizionin Civil, ku njëri gjyqtar është i ngarkuar edhe me procedurën penale - paraprake. Gjithashtu në këtë degë nga qendra kemi angazhuar 4 gjyqtarë nga DKR-ja, 3 gjyqtarë nga Departamenti i Përgjithshëm dhe 1 gjyqtar nga Divizioni Kundërvajtjes.

Dega e Gjykatës Themelore në Novobërdë: Në këtë degë kemi 1 gjyqtar i cili ka gjykuar lëndët të Divizionit Civil, gjithashtu Mbikëqyrësi është i ngarkuar me një numër të caktuar të lëndëve civile. Ndërsa lëndë penale dhe të kundërvajtjes i gjykon gjyqtari i Degës së Gjykatës Themelore në Kamenicë, Sadri Krasniqi.

Në Gjykatën Themelore të Gjilanit, lëndët ndahen me Sistemin e Programit SMIL, ashtu siç është caktuar me Rregulloren mbi veprimtarinë e gjykatave.

III. Raportet statistikore

Të dhënat statistikore i kemi të paraqitur në formë tabelare të cilat janë të nxjerra nga Programi SMIL.

Gjykata Themelore Gjilan	Lëmia	Lëndët e trashëguara	<u>Lëndët e ardhura</u>	Gjithsejtë lëndët në punë	<u>Lëndët e krvera</u>	Lëndët e mbetura	<u>Përqindja e lëndëve të ardhur dhe të zgjidhura II – IV</u>
		I	<u>II</u>	<u>III</u>	<u>IV</u>	<u>V</u>	
Dep. Krimeve të Rënda	Paraprake	272	<u>40</u>	312	<u>30</u>	282	<u>75 %</u>
	Penale	456	<u>46</u>	502	<u>47</u>	455	<u>102 %</u>
Dep. Përgjithshëm	Paraprake	501	<u>70</u>	571	<u>61</u>	510	<u>87 %</u>
	Penale	1333	<u>213</u>	1546	<u>204</u>	1342	<u>96 %</u>
	Civile	6193	<u>1290</u>	7483	<u>1723</u>	5760	<u>134 %</u>
	Jokontestimore	161	<u>48</u>	209	<u>57</u>	152	<u>119 %</u>
	Përmbartimore	418	<u>34</u>	452	<u>71</u>	381	<u>209 %</u>
Dep. për të Mitur	Përgatitore për të mitur	29	<u>3</u>	32	<u>2</u>	30	<u>67 %</u>
	Penale para kolegjit	119	<u>35</u>	154	<u>27</u>	127	<u>77 %</u>
Divizioni Kundërvajtjes	Kundërvajtje	1565	<u>312</u>	1877	<u>480</u>	1397	<u>153 %</u>
	TOTALI	11047	<u>2091</u>	13138	<u>2702</u>	10436	<u>129 %</u>

Dega e Themelores Kamenicë	Lëmia	Lëndët e trashëguara I	<u>Lëndët e ardhura</u> II	Gjithsejtë lëndët në punë III	<u>Lëndët e krvera</u> IV	Lëndët e mbetura V	<u>Përqindja e lëndëve të ardhur dhe të zgjidhura</u> II – IV %
	Paraprake	89	<u>21</u>	110	<u>19</u>	91	<u>90 %</u>
	Penale	128	<u>49</u>	177	<u>40</u>	137	<u>82 %</u>
	Civile	1292	<u>589</u>	1881	<u>631</u>	1250	<u>107 %</u>
	Jokontestimore	48	<u>4</u>	52	<u>4</u>	48	<u>100 %</u>
	Përmbarimore	106	<u>14</u>	120	<u>19</u>	101	<u>136 %</u>
	Kundërvajtje	372	<u>83</u>	455	<u>73</u>	382	<u>88 %</u>
TOTALI		2035	<u>760</u>	2795	<u>786</u>	2009	<u>103 %</u>

Dega e Themelores Viti	Lëmia	Lëndët e trashëguara	<u>Lëndët e ardhura</u>	Gjithsejtë lëndët në punë	<u>Lëndët e krvera</u>	Lëndët e mbetura	<u>Përqindja e lëndëve të ardhur dhe të zgjidhura</u> <u>II – IV %</u>
		I	<u>II</u>	III	<u>IV</u>	V	
Dep. Përgjithshëm	Paraprake	65	<u>19</u>	84	<u>20</u>	64	<u>105 %</u>
	Penale	1172	<u>103</u>	1275	<u>261</u>	1014	<u>253 %</u>
	Civile	2464	<u>357</u>	2821	<u>883</u>	1938	<u>247 %</u>
	Jokontestimore	38	<u>3</u>	41	<u>9</u>	32	<u>300 %</u>
	Përmbarimore	345	<u>355</u>	700	<u>40</u>	660	<u>11 %</u>
	Kundërvajtje	786	<u>154</u>	940	<u>155</u>	785	<u>101 %</u>
TOTALI		4870	<u>991</u>	5861	<u>1368</u>	4493	<u>138 %</u>

Dega e Themelores Novobërdë	Lëndët e trashëguara	<u>Lëndët e ardhura</u>	Gjithsejtë lëndët në punë	<u>Lëndët e krvera</u>	Lëndët e mbetura	<u>Përqindja e lëndëve të ardhur dhe të zgjidhura</u>	
Lëmia	I	<u>II</u>	III	<u>IV</u>	V	<u>II – IV %</u>	
Dep. Përgjithshëm	Paraprake	12	<u>0</u>	12	<u>0</u>	12	<u>0 %</u>
	Penale	158	<u>19</u>	177	<u>28</u>	149	<u>147 %</u>
	Civile	304	<u>90</u>	394	<u>71</u>	323	<u>79 %</u>
	Jokontestimore	54	<u>8</u>	62	<u>6</u>	56	<u>75 %</u>
	Përmbaremore	61	<u>13</u>	74	<u>18</u>	56	<u>138 %</u>
Divizioni Kundërvajtjes	Kundërvajtje	187	<u>48</u>	235	<u>51</u>	184	<u>106 %</u>
TOTALI		776	<u>178</u>	954	<u>174</u>	780	<u>97 %</u>

Statistikat e përgjithshme

Gjykata Themelore Gjilan së bashku me Degët

	Lëndët e trashëguara	<u>Lëndët e ardhura</u>	Gjithsejtë lëndët në punë	<u>Lëndët e krvera</u>	Lëndët e mbetura	<u>Përqindja e lëndëve të ardhur dhe të zgjidhura %</u>
Totali	18728	4020	22748	5030	17718	125 %

IV. Përmbushja e objektivave

a) **Zvogëlimi i ngarkesës së lëndëve për gjyqtarë dhe ndarja e tyre:** sipas Planit të Punës për këtë vit një ndër objektivat kemi paraparë barazimin e të gjithë gjyqtarëve me lëndë, ku këtë objektiv e kemi arritur në këtë tremujor dhe tani të gjithë gjyqtarët (duke përfshirë edhe degët) që punojnë në lëminë civile, penale, kundërvajtje janë të ngarkuar njësoj me lëndë (+ - 15-20 lëndë) dhe konsideroj që për këtë tremujor si tremujorin paraprak kemi punuar dhe shumica e gjyqtarëve kanë qenë jashtëzakonisht të ngarkuar, e gjithashtu edhe bashkëpunëtorët profesional, prandaj konsiderojmë se zvogëlimi i lëndëve është i kënaqshëm edhe lëndëve të vjetra dhe atyre të reja, por përpjekjet janë që të mbahet ky ritëm dhe të njëjtën kohë edhe të rritet.

b) **Sa i përket Departamentit për Krime të Rënda:** gjyqtarët e këtij departamentit edhe në këtë tremujor kanë gjykuar lëndë të Departamentit të Përgjithshëm, duke përfshirë edhe Degën e Vitisë, me të vetmin qëllim ngritjen e efikasitetit dhe trajtimin e barabartë të gjithë gjyqtarëve.

c) **Rritja e transparencës së gjykatës:** edhe në këtë tremujor kemi kontribuar në rritje të transparencës, duke pritur në takim qytetarët, avokatët përfaqësues të OJQ-ve, përfaqësues të institucioneve lokale dhe shoqërisë civile. Kemi pranuar disa kërkesa për qasje në dokumente zyrtare, pyetje

të gazetarëve dhe ju kemi përgjigjur brenda afatit kërkesave. Gjithashtu kemi bërë përpjekje për të publikuar sa më tepër vendime gjyqësore, ku këtë tremujor kemi publikuar 983 vendime gjyqësore.

V. Identifikimi i problemeve me të cilat është ballafaquar gjykata

Disa nga sfidat të cilat janë paraqitur gjatë muajve prill - qershor të vitit 2024, janë të ngjashme me tremujorshit paraprak edhe atë si më poshtë:

a) Si sfidë e kësaj gjykate në këtë tre mujor ka qenë në Divizionin Civil, për shkak të ngarkesës në këtë divizion, pasi që gjatë këtij tre mujori kemi pasur ardhje të shumta të lëndëve por edhe kemi kryer numër të kënaqshëm të lëndëve, por gjyqtarët të lëmisë civile të cilët punojnë në qendër janë shumë të ngarkuar me seanca të shumta dhe janë duke kryer lëndë të vjetra, lëndë të rigjyimit, lëndë me prioritet ligjor, kurse ekipa e bashkëpunëtorëve profesional përfundojnë lëndët nga kontratat kolektive dhe konsiderojmë se të gjithë bashkëveprojnë në mes veti dhe kemi këtë rezultat, kurse me degët e gjykatës, në veçanti me Degën e Vitisë. Edhe përkundër ngarkesës dhe bashkëpunimit në mes menaxhmentit, bashkëpunëtorëve dhe stafi tjetër edhe përkundër që jemi numër i vogël i gjyqtarëve (minimum të mbuluar) kemi arritur që të jem Gjykata e parë në përfundimin e lëndëve civil kontestimore duke llogaritur për gjyqtarë.

Sa i përket DKR-së dhe DP – Divizioni Penal në këtë tremujor kemi pas rënie për shkak se në DKR kemi pasur 2 gjyqtarë më pak të angazhuar (për shkak të pensionimit), si dhe për faktin që të gjithë gjyqtarët kanë gjykuar lëndë në Degën e Vitisë ku në këtë degë është ngritur dukshëm efikasiteti edhe në lëminë penale dhe kundërvajtëse, përveç asaj në civile dhe për këtë arsye me qëllim të ngritjes së efikasitetit kemi bërë disa ndryshime në këtë drejtim.

b) Stafi administrativ përkatësisht zyrtaret ligjore – sekretaret juridike ku disa prej tyre janë në moshë të shtyrë dhe kanë probleme me shëndetin, me përdorimin e teknologjisë e gjithashtu kemi mungesë të zyrtareve ligjore, ku në qendër 4 gjyqtarë nuk kanë pasur dhe nuk kanë zyrtare ligjore, kurse në Degën e Vitisë 2 gjyqtarë janë pa zyrtare ligjore, kurse në Degën e Kamenicës një gjyqtar.

- c) Sa i përket stafit administrativ që janë punësuar kemi pasur probleme të ndryshme në organizimin e punës edhe këtë tre mujor mirëpo tanimë të gjithë respektojnë orarin, vendin dhe detyrat e punës dhe angazhohen maksimalisht rreth detyrave të tyre të punës.
- d) Për Gjykatën Themelore në Gjiilan së bashku me degët si problem është edhe numri jo i kënaqshëm i gjyqtarëve (jemi minimum të mbuluar me gjyqtarë, ku në vitin e fundit janë pensionuar 5 gjyqtarë), por fatmirësisht jemi duke funksionuar dhe punuar shumë tepër sesa në të kaluarën. Gjithashtu kemi mungesë të bashkëpunëtorëve profesional, zyrtarëve ligjore dhe përkthyesve.
- e) Një sfidë tjetër për lëndët penale është mungesa e prokurorëve si në qendër ashtu edhe në Degët Kamenicë, Viti dhe Novobërdë, ku ka mungesë të theksuar të prokurorëve dhe për këtë çështje Kryetari i Gjykatës disa herë ka biseduar dhe është takuar me Kryeprokurorin e Prokurorisë Themelore në Gjiilan, ku i njëjti na ka njoftuar se pa u bërë plotësimi i vendeve të lira në këtë prokurori nuk mund të përmirësohet gjendja por tanimë në këtë prokurori janë emëruar 4 prokurorë ku të njëjtit tani janë aktiv dhe gjendja presim që edhe më tepër përmirësohet.
- e) Sa i përket Sistemit SMIL, ne më lartë i kemi paraqitur statistikën, por të njëjtat nuk janë të sakta sa i përket ngarkesës së gjyqtarëve dhe gjykatës në përgjithësi dhe në vazhdimësi me personat përgjegjës të SKGJK-së kemi bërë përpjekje të eliminojmë këto gabime në raporte statistikore dhe gabime të tjera, por deri në këtë moment nuk kemi arritur dhe padyshim që paraqitet si problematik në punën ditore të gjykatës. Gjithashtu na paraqiten probleme të ndryshme në Sistemin SMIL dhe në mungesë të trajnerëve të SMIL-it po kemi vështirësi në zgjidhjen e problemeve;
- f) Sa i përket teknologjisë kemi mungesë të printerëve funksional, nëpër zyre të stafit (gjyqësore dhe administrativ), gjithashtu ka probleme të vazhdueshme edhe nëpër salla të gjykimeve përkundër se tanimë pranë gjykatës tonë është bërë instalimi i pajisjeve audio vizuale në njërin prej sallave të gjykimin e po ashtu edhe në disa të tjera janë ndërruar pajisjet kompjuterike.

VI. Propozimi i hapave riparues

Kërkojmë nga KGJK dhe SKGJK-ja që të rekrutoj gjyqtarë për këtë Gjykatë dhe degët e saj, të fillojnë punën sa më shpejt zyrtaret ligjore të transferuara dhe procesi i rekrutimit të përfundojë sa më shpejt. Gjithashtu të mbuloj pozitat e paplotësuara për bashkëpunëtor profesional duke përfshirë edhe Degët, si dhe për përkthyes gjyqësor për Degën e Kamenicës (pasi që kjo degë me përkthyes mbulohet nga përkthyesit që janë të punësuar në qendër). Gjithashtu është e nevojshme që të organizohen trajnime për stafin administrativ dhe për bashkëpunëtor profesional, në veçanti trajnime për shkrim dhe arsyetim ligjor, si dhe për institute të ndryshme.

VII. Të arriturat

Në tremujorin e dytë të vitit 2024 në secilin departament, divizion dhe degë ka pasur arritje – ngritje të efikasitetit dhe përpjekje maksimale që të përfundohen sa më tepër lëndë në raport me muajt paraprak dhe një gjë të tillë e kemi arritur. Gjithashtu ka pasur rezultate në respektimin e orarit, vendit dhe detyrat e punës nga të gjithë të punësuarit në këtë Gjykatë dhe çdo ditë e më tepër rritet efikasiteti, llogaridhënia dhe përgjegjësia e gjithë punonjësve të kësaj gjykate dhe konsiderojmë se jemi duke kontribuar në kthimin e besimit tek qytetarët.

VIII. Përfundimi

Në bazë të dhënave statistikore jemi të kënaqur, por siç thash më lartë në vazhdimësi bëjmë përpjekje, kërkojmë, bisedojmë që stafi administrativ të jetë më efektiv, kurse sa i përket gjyqtarëve nga të njëjtit në vazhdimësi kemi kërkuar që të caktojnë – procedojnë lëndë sa më tepër që është e mundur, të caktojnë lëndët e rigjyqimit, lëndët me prioritet ligjor dhe të trajtojnë lëndët, duke bazuar në parimin e arritjes në gjykatë dhe konsideroj që në muajt në vijim do të ketë edhe më tepër rezultate për përfundimin e lëndëve.

Sa i përket, transparencës, llogaridhënies, objektivitetit, paanshmërisë dhe pavarësisë, në vazhdimësi kërkojmë nga gjyqtarët dhe të njëjtit i inkurajojmë që të jenë të pavarur dhe të paanshëm në trajtimin e çështjeve, pasi që kthimi i besimit në Gjykatën Themelore në Gjilan dhe në sistemin në përgjithësi është njëri ndër objektivat kryesore dhe kjo mund të arrihet me punë, angazhim serioz dhe të vazhdueshëm nga gjithë punonjësit e kësaj gjykate.

Kryetari i Gjykatës Themelore në Gjilan, Venhar Salihu

A handwritten signature in blue ink, appearing to be 'V. Salihu', written over a horizontal line.

Me datë 12.07.2024